



Namminersorlutik Oqartussat immikkoortortaqrifiini batterinik immiisarnermut politikki.		Allagaat: Batterinik Immiisarnermut Politikki (Suliffeqarfiup iluani atugassaq)
		Akuerineqarpoq: 01-04-2024
		Kingullermik iluarsaanneqarpoq: 01-04-2024
		Tulliani nutarterinissap ullulernera: 01-04-2025
Allagaat uannga suliarineqarpoq:	John Maahr Hansen	Ulloq: 15-03-2024
Allagaat uannga akuerineqarpoq:	Embla Kristjánsdóttir	Ulloq: 01-04-2024

## Namminersorlutik Oqartussat immikkoortortaqrifiini batterinik immiisarnermut politikki.

### Ilisaritsitsineq.

Namminersorlutik Oqartussat batterinik immiineq pissutigalugu ikuallattoorsinnaaneq pinaveersaartikkusuppaat. Amerlasuut batterinik immiisarput pisariaqartitsinerlu annertusiartuinnarluni, kiisalu kabelit aserorsimasut, stikkitt ikkussuiffiqineqarpallaartut immiissutilluunniit ajortut il. il. pissutaallutik ikuallattoqalersinnaalluni. Bly-syre batterinik immiineq gassinik qaarsinnaasunik, ikuallatsitsisinnaasunik allatigullu ajoqusiinnaasunik aniatitsisinnaavoq.

Namminersorlutik Oqartussani immikkoortortaqrifiit biilini batterit maskiinanilu anginerit immernissaannut ilitsersuut ataaniittoq malissavaat, ikuallattoornissaq allatigullu ajoqusernissaq pinaveersaartinniarlugit:

### Qanoq pinaveersaartitsissanersutit:


- Immersuiffiit sapinngisamik inimi ikuallassinnaangitsumut ikkussuunneqassapput illuutit, quersuit tunisassiorfiilluunniit ajoquseritikkumanagit ikuallalertikkumanagillu.
- Immersuiffik iikkamut aalaakkaasumut (betonimut ujaqqamulluunniit) ikkussuunneqassaaq. Immersuiffik iikkamut ikuallassinnaasumut, iikkamut plastikkimut oqorsakkamut il. il. ikkunneqanngisaannassaaq.
- Inimi qaartoornissamut aarlerinaatilimmi immersuisoqassanngilaq. Inimi imerpalasunik ikuallajasunik uninngatitsiviusumi suliarinniffiusumiluunniit immersuisoqassanngilaq.

### Immersuisarfinni isumannaallisarnerni atortut:

- Sumiiffiit immersuiffiusut oqinnerpaamik 5 kg-inik qatserutunik tigummiartakkanik atortulersimassapput. Qatserut sumiiffimmi immersuiffimmiissanngilaq eqqaaniissallunili (titartagaq takuuk) iikkamullu ikkusimassalluni.
- Immersuiffik aporneqartussaajunnaarlugu ikkunneqassaaq. Kabelit ima naatsigissapput, natermiittussaajunnaarlugit.
- Inimi immersuiffiit amerlappata innaallagissap qaminnissaanut tuugassaq ikkunneqassanersoq eqqarsaatigineqassaaq.

### Sumiiffinni batterinik immersuiffiusuni suliassat uninngatitsinerlu:

- Immersuinermi batterinut immersuiffimmi atortunilu zone isumannaallisagaq 2 meteriussaaq. Zone isumannaallisagaq 2 meteriussaaq atugassanik atortunillu peqassanngilaq. Sumiiffik immersuiffiup uninngavigisaa allanik toqqorsivittut atorneraqqueneqanngilaq.
- Batterinut immersuiffiit kabelillu misissorneqartassapput aserfallatsaalineqartassallutillu. Kabelit ajoquserneqarsimappata, ajoqusersimasooq aqqinneqassaaq taarserneqarluniluunniit. Misissuineq nassuarneqassaaq, ullulerneqassaaq misissorneqarneralu uppersaaserneru toqqorneqarluni, paasissutissat pissarsiarineqarsinnaaniassammata.



**Naliliineq**

Batterinik immiisarnermut politikki IAN-ip qularnartoqarfiusuni pingaarnertut politikianut atavoq taamaattumillu politikkimik atuutsitsineq IAN-ip Risiko Auditering-ip ilaaniilluni.